

佩常齋文集卷第十三

太玉山人俞德鄰宗大父

表牋

賀郊祀慶成表 以下代黃松岡

正月始和稱秩元祀昊天成命誕受多方顯闕具  
孚華夷胥懌中賀臣聞報本返始者郊之義親德  
饗道者天之心故齋戒飭躬而神光之耀谷嚴恭  
展事而祥露之流壇皆繇精意之上通匪但彌文  
之特舉以洽百禮曰由一人恭惟陛下聖敬日



濟聰明時又舜齊七政羣后之瑞斯班禹立三年  
百姓之仁既遂爰諏吉旦丕藏藏盛儀金軒駕而黃  
道之清夷蒼璧陳而紫煙之蒼鬱捷書夕奏霄色  
朝澄嘉績多于先王宜永綏於九有介福于其王  
毋益侈既於二儀臣猥玷輔藩親逢熙事雖在  
宮肅、在廟莫陪周士之秉文赫、厥聲濯、厥  
靈願頌湯孫之殷武

謝郊祀慶成肆赦表

饗帝于郊率百神而受職配天其澤混四海以為  
家雨施雲行風移俗易中謝臣聞祭而受福繇天  
意之棐忱故匪患奸欲人心之遷善矧當嗣服之  
始具嚴報本之儀率見祖考休有烈光肆受諸侯  
之覲亦右父母綏我眉壽更占厥後之昌將侈既  
於三靈盍馳思於九有舉令黔首尽洗丹書恭惟  
陛下齊聖廣淵嚴恭寅畏內盡志外盡物可告神  
明車同軌書同文無有遠邇博厚高明之降格輝  
胞翟闡之靡遺驛馬宵流金鷄晨揭滌瑕盪穢想  
囿罔之遂空敬偉鋪閱編詩書而無愧臣越居近

旬親親寬恩蕩、巍、均囿堯天之大穰、簡、  
益占周曆之綿

謝賜新曆表

禹立三年爰謹授時之正商畿千里首叨頒朔之  
榮觀聰聿新布宣惟謹 中謝恭惟 陛下宅中圖  
大咨牧亮工兢、業、撫五辰一二日而無曠怡  
怡愉、奉太后億萬載以承驩迺課曆於清臺誕  
賜書于方國以前民用克享天心臣猥玷承流居  
慙玩歲風興夜寐懼莫遑於官刑東作西成豈不

知於帝力

謝賜曆日表戊辰

咨牧亮工會舜朝之五載以閏成歲授堯曆之四  
時昭示成書具孚闔境 中謝恭惟 陛下握符御  
極協紀叙疇競業力行率欽天之丕憲怡愉色養  
致愛日之積忱修和婁格於年登整暇津馳於月  
捷考一元之豐茂凝庶績而撫辰乃嚴頒朔之儀  
庸正厚生之事臣敢不恪共侯服夙戒民功春近  
漾畿共迓泰平之運星臨吳分尚觀乾度之祥

賀生皇子表 戊辰

龍飛在御利見大人熊夢協占乃生男子慶開宗  
祐歡動埏垓中賀洪惟聖宗之初基誕毓僊源之  
二葉星珠聚緯昭瑞應於戊辰神筴演元復環循  
於甲子天啟卜世卜年之永世生以似以續之賢  
前後合符古今鮮儷恭惟 陛下小心昭事大德  
曰生保佑自天受周成之百祿肅雝在廟宜太姒  
之多男上以承長樂之歡下以慰寰區之望民職  
有利邦其永孚臣叨領輔藩竹逢盛事告于皇天

后土阻陪濟、之班宜尔聖子神孫更上振、之  
祝

謝生皇子肆赦表

履祥甲觀培萬世之丕基渙號端門開八荒之壽  
域照臨所暨鼓舞攸同中謝恭惟 陛下祇通先  
猷作新聖治大人利見時適際於龍飛男子乃生  
瑞果符於熊夢載震載夙克類克明日重暈月重輪益  
炳繼明之照天職覆地職載是推不忍之仁開擇  
無辜咸中有慶臣躬逢曠蕩職在布宣瘡老願觀

已喜深恩之寬大子孫受祿尚歌周室之盈成  
誕皇孫賀皇<sup>帝</sup>表

運啓鴻圖三極會萬年之統謀語燕翼一家垂數  
世之仁勢壯本支驩騰率溥中賀<sup>臣</sup>嘗仰<sup>察</sup>天文  
之有赫預占國祚之無疆三星為心重暉應太子  
之象十月建尾有序驗多孫之祥燁然休符萃于  
今日恭惟<sup>陛下</sup>道闕百聖澤被群生卜世卜年  
統之正者系必遠以似以續源之流者流必長培  
熙朝葛藟之基敷炙葉猗蘭之秀和薰鶴禁喜溢

龍顏臣越在輔畿欣逢盛事告于皇天后土阻陪  
濟之班宜爾聖子神孫更上振之之祝

賀皇太子牋同前

春宮毓德久隆燕翼之謀甲觀呈祥茂育龍駒之  
秀慶開宗社歡動堪輿<sup>臣</sup>嘗仰察天文俯覘國運  
心為太子之象暉重適應于三星尾有多孫之占  
氣運恰臨于十月<sup>於</sup>昭景賦式對昌辰恭惟<sup>殿</sup>  
下粹質天成新功日就左右前後悉皆正習近聖  
賢出入起居罔不欽喜形君父宜闡乾元之瑞有

開震索之祥臣越在輔藩忻逢盛事陶瞻鶴禁雖  
莫窺射人卜士之儀仰紀鴻休尚當繼聖子神孫  
之頌

聖節進賀禮物表

臣某言恭遇云々聖節者伏以中天啓聖式逢華  
渚之祥近甸承流庸效野人之獻遙伸虎拜俯竭  
蟻忱恭惟陛下保合大和緝熙純嘏皇穹申眷  
乃聖乃神乃武乃文大德懋昭得位得祿得名得  
壽臣叨分菟組欣際虹流結想楓宸阻上三呼之

祝將忱芹曝少供萬歲之觴所有禮物別狀進貢

蝗不為災謝御筆獎諭表

天收飛孽喜登千里之金穰帝念承流特畀九重  
之奎畫於昭眷獎有覲訓辭竊惟皇家開平治之  
期侯國闡休祥之證由今揆昔宅牧惟良如劉敞  
之守鄆城蝗值雨而輒散如趙抃之守青社蝗過  
風而退飛有若微臣冒茲近甸惟一意奉宣于聖  
化愧半菽茂奏于民庸如坻如京嘉穀擬登于場  
圃食苗食節遺蝻間見于田疇方虞種類之蕃茲

乃抱黍禾而焦殪妖不勝德知吾皇一念之潛通  
災反為祥俾闔郡群生之咸遂僭函秉穗上徹凝  
旒遽沐溫綸曲加褒袞拜<sub>手</sub>稽首念三生結聖主  
之知以口語心顧一稔豈愚臣之力肆令吳會丕  
覩堯言茲蓋恭遇 陛下加惠黔黎如護赤子五  
穀熟而人民育迄銷遺旻之災三階平而風雨時  
允恊維魚之夢迺賜書于方國特加賁于微蹤臣  
敢不勉竭孤忠對揚休命不書螽蟊已占魯史之  
有年斯饗羔羊願誦函詩而稱壽

彗星肆赦謝表

夙夜畏威覩乾文而加警雷雨作解肆渙汗以維  
新洽于民心時乃天道恭惟 陛下小心昭事大  
德曰生謹一二日之幾每嚴勅命閱四十年之治  
宜底措刑仰以觀天惕然垂象丕若成湯之罪已  
遠邁宋景之出言細書十行大賚四海臣叨分近  
甸亟廣寬恩有嗟明星見雲漢化行之盛安如磐  
石惟箕翼國壽之祈

明堂禮成加食邑謝表

紫壇歲事莫陪顯相之勞黃屋疏恩亦被重封之  
賜籠踰望外感溢由衷中謝伏念臣初乏猷為積  
叨祿秩頃居田里分常謹於祝釐茲冒節麾心益  
勤於布澤雖忝松階之末綴阻瞻茅屋之侵容不  
圖商賚之行俾預周行之數茲蓋伏遇 陛下禮  
隆並侑視廣同仁祝網去三民庶舉需于敷錫列  
爵惟五子男皆得以序升肆令微臣均膺懋渥臣  
祇承龍綽誓竭駑庸取三百廛邑入已慙于多予  
制二千石職思何忍于素餐

謝賜臘葉表

恩畀節麾俯念吳江之冷寵分圭七欽承漢詔之  
溫獲遂生全采深感刻中謝伏念臣自慙弱植欣  
際昌時撫字服勞常恐初寒之怨咨諏曠職凜懷  
愒日之虞倏冬籥之告道佩宵衣之垂軫銀合重  
九天之賚綠綈榮三輔之頒有此僥踰若為稱捕塞  
茲蓋恭遇 陛下八荒躋壽一視同仁憐臣寒薄  
之蹤俾霑脂澤閔臣哀遲之景使駐顏華臣敢不  
勉竭愚衷丕敬聖渥愧匪北門班之近冒稱殊光

重拜西山藥之良永酬大德

冊皇太子妃賀皇帝表

天啓燕謀彛倫攸叙朝敷鴻冊嘉耦曰妃歡洽寰  
區慶綿宗祐恭惟陛下帝祉施子國本在家無  
射亦臨於緝思齊之雖肅其儀不忒懋昭大學之  
修齊乃眷元良樂求淑女酌熙朝之懿典陞儲壺  
之徽名乾坤父母之心因親以愛咸常夫婦之道  
利正而亨聖謨孔彰邦榮斯慶臣猥叨假守忻睹  
彌文家人有嚴君始二南之化震器為長子永

開重潤之祥

賀皇后牋 同前

坤極承天既施帝祉震宮立配乃厚人倫典冊一  
新宮闈胥慶恭惟殿下黃裳襲吉彤管凝徽國  
之本在家將協恭於寢膳上以風化下宜秩禮於  
婚姻樂得妃賢式彰婦順侍青規之慈誨維德之  
行承紫殿之襍華其儀不忒臣叨分郡寄忻際邦  
榮母道無疆已邦含<sup>先</sup>之象孫謀有永願賡繩<sup>蟄</sup>  
之詩

賀皇太子牋 同前

日有重光人倫以正天立厥配王化所基無疆惟  
休有室大競恭惟 殿下徇齊秉粹溫故知新聞  
大學脩齊之章意必忱心必正迪家人威如之吉  
言有物行有常載嘉瑜佩之徽誕錫珉雕之冊兩  
儀並貺萬世其昌某叨領輔藩忻逢盛際鷄鳴鶴  
駕益毗問寢之恭魚躍鸞飛願謹造端之始

周國公主下嫁禮成賀皇帝表

乾父有慶丕篤天姍巽女于歸式彰風化時匪輕

於選尚邦永侈於榮懷恭惟 陛下經國範民叙

彛敷訓有齊貴主早迪教於公宮宜爾好逮俾服

休於外館荒周邦之吉壤舉堯國之徽章舅氏如

母存爰示因親之愛王姬執婦道聿新歸妹之儀

秩禮大昏以禔止元吉臣欣聆曠典阻綴賀班令德

肅雖動協襄城之則慶源演迤長留沁水之春

賀皇后牋 同前

后德正倫夙迪閑睢之化王姬下嫁式歌唐棣之

華築館惟新宜家有慶恭惟 殿下躬持節儉德

著和平坤順承乎天愛備隆於母道巽索謂之女  
禮庸飭於婦儀喜溢慈懷吉諧嘉耦錫光順之冊  
迨其吉兮戒含章之粧何彼禮矣臣濫膺郡寄欣  
際邦榮紫韉有行百兩翼軒星之送絳河流彩六  
珈增姝月之輝

賀東宮牋 同前

帝乙歸妹禮重新昏震索謂男愛深同氣仰絳河  
之流彩想青禁之騰惟恭惟 殿下孝謹問安仁  
先敬長翟車屆吉屬新築館之儀鶴駕肅將允助  
宜家之喜某叨分近屏忝際休期迨其吉兮翕播  
桃夭之詠式相好矣永聯棣萼之輝

謝知鎮江府兼淮東總領到任表 以下代趙

月山

林樊息影甫畀食祠郡國承流更叨給餼凜寵榮  
之狎至俯愚陋以難勝伏念臣奮自諸生簡錄先  
帝際遇兩朝之久踐敷三紀之餘尊旨中樞無補  
訐謨之密除戎外闡曾微掇卻之勞飲河之量既  
盈負嶽之譏莫追潛深伏隩政忤鷗鷺之相親昧

進偷榮敢覬熊魚之兼得倏承誤渥游領寓邦亟  
伸偃倭之愧乃重峙儲之寄碩賢能出守始流福  
以潤京師必趣辦有才始悉賦以輸函洛有如遲  
暮曷稱選掄茲蓋恭遇 陛下治在審官仁先厚  
下念臣遭逢已久未忍於棄捐察臣悃悞無華尚  
咨於牧餽遂令共二靡靳錫三臣敢不祇對龍光  
勉殫髓枝以農言慰父老當恪布於漢條操羸貲  
佐軍興恐未閑於晏筭

謝皇太后表

同前

茅檐息影甘混跡於渙樵琳館祝釐遽叨榮於牧  
餽愧深負嶽德極戴天伏念臣猥以迂儒偶逢熙  
運入則中樞之導旨出而外闡之脩戎才薄力綿  
曾微報效器盈量溢祗速顛隳一從畎畝之棲遲  
分絕雲霄之奮迅詎圖簡畀俯及躋涼懷太守印  
章已駭郵亭之舊吏給刺史鼓吹俾榮卿黨之故  
人雖云思重而命輕第恐力小而任大蓋河潤九  
里流福當藉於賢能而日費千金轉讓政難於趨  
辦有如駕鈍曷稱龍光茲蓋恭遇 陛下正始道

尊貽謀仁遠志存卷耳夙知臣下之勤音播思齋齊  
克致邦家之御肆令遲暮復被選掄臣敢不勉竭  
孤忠對揚光命風德化以治郡願希二千石之良  
制課調以救邊所愧五十條之奏

知鎮江府到任謝表代孟中齋

遲次西江甫安愚分易符北府倏領誤恩控辭迄  
闕於俞音龜勉遂抵祗於賤事伏念臣他無技巧惟  
有樸忠將軍好武而子能文有慙父教先帝用老  
而臣尚少亦玷卽潛銜命搶攘之秋承流凋弊之

地進既無補退將自脩大人飛龍咸觀時乘之六  
康侯錫馬遽膺畫接之三維京口之封疆寔浙西  
之門戶民力竭矣謂宜寬之一分江濤渺然所當  
護者數處曾是妄庸之品可兼牧御之長蚊負嶽  
以難勝鵝在梁而弗稱茲蓋恭遇 陛下昭哉嗣  
服成乃圖功以予萬億年用人民而永命其惟二千  
石爰視邦而選候遂使孤蹤亦叨異渥臣誓殫駑  
力仰吞龍光齊埭范橋希德人之遺愛韓船祖楫  
想烈士之英風

狀

辭免知鎮江府申省狀代趙月山

祠庭賦祿苟佚餘年潤浦承流存叨舊職覲寵榮  
之通盛亟偃避以敷陳伏念某猥以迂儒偶逢熙  
運入則中樞之導旨出而外闡之脩戎才薄力綿  
曾微補報器盈量溢恐速顛隳一從賦畝之棲遲  
每荷乾坤之覆育詎萌妄想復忝明揚倏仍禁殿  
之隆名再予輔藩之重地舊愆盡滌新渥有光豈  
敢控辭以孤簡界念昔先帝嘗付是邦玩惕牛暮

靡聞於善狀侵尋九載重見於遺氓黔驢技止於  
一鳴鈇刀理難於再割加以浮家之寔久茲為卜  
築以暫棲雖無負郭二頃之田已有環堵一區之  
宅昔騎竹而迎者久相爾汝且拔薤而誨者半就  
銷磨知識衆則牽掣多疑懼深則瘠曠易胡能罄  
竭無負布宣而况聰明不及於前時牧御轉難於  
今日若使小知而大受亦歎弱步於豈扛再三以  
思無一而可伏望公朝特賜敷奏俯憐真悃特返  
誤恩姑俾退閒式遂祝釐之願別加遴選用宏植

屏之規

再辭免知鎮江府申省狀

銜恩踏地亟控忱辭錫命自天莫回誤渥威不遠  
於咫尺瀆敢至於再三伏念某奮自諸生東絲先  
帝桐鄉是念曾日月之未多桑下何心亦風雨之  
攸芘混漁樵而爭席饒雞黍以睦隣逼社日遭田  
翁僅可誇於新尹坐堂上稱太守終有愧於故山  
故雖勇棄鷓鴣之棲未必果致蒲蘆之化下車攘  
臂儻為馮婦之櫻求牧典芻祇重距心之罪伏望

朝廷亟賜敷奏收回成命改昇時髦戰兢幸免於  
淵冰赴蹈敢辭於湯火

佩韋齋文集卷第十三

丁卯八月初五日

佩韋齋文集卷第十四

太玉山人俞德鄰宗大父

啓

賀王左相啓 代洪損軒

黃麻播告赤舄來歸嗣皇新繼明化方流於率土  
左轄頻虛位今喜得於舊儒廟社奠安華夷闔懌  
竊以天下之安危在相君子之進退以時思昔先  
朝有如文正資聖耆英之會尊賢獨樂之游投竿  
采藻剗竹灌花逍遙於物外登山涉水臨難憩石

發越於詩章若將終身焉能挽我逮元祐際明良  
之會維潞公總軍國之綱翩然一馬之自西不作  
二龍之臥洛豈或出或處悉付無心蓋時止時行  
當斷以義矧遺大投艱之際適體元正位之初橋  
山之弓劍未藏商鼎之鹽梅寡和加以元臣之密  
啓力陳端揆之久虛忍弗副於嚴瞻乃尚甘於野  
豸朋來七日已見天地之心茲惟三公盍共陰陽  
之理茲蓋恭遇某官三朝壽俊四海鉅人篤實輝  
光極軻書大化之盛脩齊平治悟大學體用之全

顧獨卷於經綸寧弗護於寤寐所謂伊人在彼空  
谷固為場藿之甘如有用我其維東周夫豈匏瓜  
之繫肆膺簡注亟遂登庸第念風塵瀕洞之秋此  
正聖哲馳驚之日必如推車之喻則事功可圖使  
若乘舟之偏則險夷立判願以十年之涵養衍為  
萬世之太平庶昔焉憂樂在民不以廟堂之高江  
湖之遠而今者仕宦至相——可為邦家之光閭里  
之榮某誤領左符甚慙小草倏聆坦制倍激懦衷  
讀說命三篇已喜立相而置左續車攻一雅尚看

脩政以攘夷抒賀惟深期望尤切

賀禮部馮尚書兼給事中同修國史啓

歸班雍峙總禮容臺紫極丹屏莫重春曹之選黃  
扉青瑣更嚴夕拜之儀綜國典以裁成品人才而  
筆削清班峻立顛望具孚恭惟某宮四海初心兩  
儀間氣先生富道德高壁立萬仞之標本朝盛文  
章應奎聚五星之端召詢國事多識時宜釋筆硯  
而操化權專綸綍而宣皇澤日上花甌柳遶鈴索  
慷慨揮毫草承委珮煙駐遊絲從容退食整飭五

材而辨器網羅百代以成書凡厥詔令典冊之頒  
皆藉潤色討論之力凌清迥紫世共指於登瀛簪  
筆持荷祥果闔於筮鼎極縉紳之榮寵被黼宸之  
簡知聰履上星辰姑踐尚書之武若歲作霖雨倚  
疇立相之庸某疊組叨榮萬間藉芘貢輸衍裕自  
慙劉晏之操羸器範端凝祇羨向公之大耐度修  
歲敬仰勺鑿融

賀刑部陳侍郎仍兼宗正卿兼修史啓

執綏殷輅疊組容臺花綬藻衣於赫宗臣之貴紫

囊玉佩往持臬事之平采衆記以定闕文纂帝墳  
而昭治範絲綸誕布紳紱臚驩恭惟某官揭日脩  
名照人嫖節讀慶元抗疏未多六士之賢擢天聖  
甲科重奏五雲之瑞懸法星而糾察儀農扈之劇  
叢八州繡衣仍是壺冰之御史太湖蕩節又光卿  
月之英游使臣既稅於見知僊省更聞於申命螭  
坳載筆輝聯北極之星辰翠幄談經思弔清節之  
殊  
雨露屬者殊逆之歲祀聿先多士而秉文侍威顏  
於咫尺之間對清問於斯頃之際王釐爾成來咨

來茹靡不周知君子既見為龍為光遂膺懋簡亟  
煥設几賜金之寵式圖畫衣空圖之功制禮樂明  
政刑孰擬此官之清要鎮國家安社稷倚看帝載  
之奮庸某密藉庇麻勉承牧餼蚤負山而知懼曷  
免顛隳崔賀厦而相懽更依突兀度修箋敬總句  
鑿融

賀鮑殿院啓 以下代趙月山

渙敬宸綽晉副臺端乘白馬伏青蒲謀已裨於帝  
右立花甕冠黑鴈班遂陟於殿中古柏畫寒法星

夜炯恭惟某官道方而大德純以精玉壺風露之  
清偉然忠義金蕊琳琅之粹蔚矣文章頃際飛龍  
盡空凡馬懸衣冠於宣政傳騶哄於大明玉仲儀  
之執奏不移凜如鷲擊呂希哲之辭官未獲已肅  
象筵歸泰時以均釐升南臺而執法名高千古已  
寒未死之姦諛晚覲九重共指非凡之御史長身  
骭黻直節峻嶒治平之用忠宣豈拘近制己己之  
拜獻簡亦自此官某夙荷軫存况叨覆露鷺駕筮  
羽阻瞻天路之沈寥燕雀馳忱永託履雲之突兀

如葵嚮慕未艾敷荼

賀陳司諫啓

歸班雍時晉列右坡凌玉清遡紫霄已職親而地  
近攜阜囊乘白馬知言聽而諫行綸綍誕頌宗社  
增重恭惟某官修名揭日姤節照人英華醲郁之  
詞章上規姚姒深厚粹明之氣象近揖乾淳蚤簡  
在於淵衷徑歷躋於清選蒼苔紅葉詩吟省直之  
春皓鶴脩篁景對瀛洲之勝邁唐六絕作宋一經  
寓規諷於蟋蟀之篇昭模範於螟蛉之誨迄居諫

列丕展嘉猷天子以為是諫官以為非昔蓋聞於  
此語君子有所恃小人有所畏今允望於明公某  
猥以迂疎謬茲牧餽隄聆坦制倍激懦衷朝野競  
相驩已信忠賢之得路廟堂知至理尚期風俗之  
還淳嚮慕渠々敷陳悽々

賀工部危侍郎兼修國史啓

渙頒天筆晉貳地卿總憲度於清朝霜凝白簡程  
工能於起部日炫紫囊網羅聞見於一經別白是  
非於萬世師言允穆泰類朋來恭惟某官履粹行

方芒寒色正黃河半空之氣天分素高瑞巖萬仞  
之標地靈特異蓋嘗以通老諸人而尚友不獨於  
晦翁一見而屬心徐入脩門立登要路淳夫三昧  
之講議論格心君謨四諫之除善良吐氣柱下炳  
一星之耀禁中齊五鳳之飛駉馬重驅甫憶花甌  
之立鷄翹趣侍就緒金匱之藏而豈徒哉其有試  
矣蓋惟明明張膽則必有補於論思亦嘗載華記  
言則必不謬於褒貶肆專九範式究三長疇若予  
工姑掌繕修之政令若曰太史尚留久遠之功名

某乘傳滯留聽郵鼓舞託萬間之庇屢應免震凌  
轉一氣之洪鈞更期登用

賀太府徐少卿兼侍講啓

眷楸中宸班崇外府藻衣花綬聿頌九賦之受藏  
虎觀雲臺密侍五經之講貫世稱高選人羨名流  
恭惟某官姪節照時修名揭日清冰出壑冥承露  
之玉壺古栢参天聳接雲之黛色談笑握南曹之  
印春容綉東觀之書謁卿之典樞機未嘗有過徐  
岱之陪誦說多所究探姓名深簡於環旒步武峻

躋於金掌仍參儒席邃處經帷蓋日月就持有補  
於緝熙之學則邦國式貢不蠹於玩好之供不然  
金華勸講之官寧頌木契頌財之事王之圖任共  
政厥有旨哉公豈出納有司自此升矣某政廢轉  
饒敢廁為寮虎鼠不侔愧同宮而列屬燕雀相賀  
知大厦之落成

賀淮閩加寶文學士陞大使啓

玉閩懋功環旒錫命奎圖壁府有華真學士之聯  
壽甲瑯戈益峻大行臺之望使權增重邊隙不開

恭惟某官光嶽渾淪陰陽闔闔庋翼之規模制度  
每出於人杜公之智名勇功孰識其際屬者浩渺  
江濤之日慨然經綸宇宙之思志士於是而屬心  
武夫聞之而奪氣四伐<sub>五</sub>伐之不試再命三命之  
愈崇激天鼓次照海旌旗自樂雲山之趣白日綺  
羅青春花柳盡還景物之華十年生聚之熙<sub>三</sub>四  
境謳歌之灑<sub>二</sub>帝念勤勞之久盍此適歸人言綏  
附之難問誰可代冒若杖<sub>仗</sub>威名之素著使之疑  
績於已成爰陞寶<sub>度</sub>度之清嚴就拊碧油之駁極兒  
童喜躍士卒懽呼恭華班師共想晉公之事業淮  
南入相正如德裕之年齡某聳聽鳳綸不勝鰲抃  
散地逾高枕自賡愁寂之吟一氣轉洪鈞尚軫隱  
淪之跡

賀淮閩邊事撤警啓

頃飭一掬僭干六纛江之永矣未吟抗蒂之詩心  
如結号祇帳懸旌之喻擬乘隙暇游贖穹明茲者  
伏聞疆場戒嚴卒徒買勇綸中羽扇宛然蜀壘之  
指麾兩矢電矛坐使淮氛之清廓耕桑不擾雉堞

增崇益嘗驅馳於天荒地老之時未有談笑致鶴  
唳風聲之捷茲惟洪伐厥有雄規此益恭遇某官  
蓋世勲名擎天力量陽開陰闔智獨妙於經綸地  
負海涵世莫窺其涯沃而又忠義足以激士氣賞  
罰足以一人心故如令公免胄而來回紇羅拜不  
待司徒納刃而戰將帥奮呼宜禡祭之弗煩報愷  
歌之遽作紅樓翠幕未姑妨月裏之笙簧雪蘂瓊絲  
還競春遊之車轍此殆真儒之無敵信乎中國之  
有人李勣治并何俟十餘年之久贊皇入相無踰

五十四之期某竊聽下風亦增壯氣藜林竹杖自  
憐遲暮之蹤吹空琴臺空想拊循之暇率脩函賀  
切句鈞裁

賀汾江吳制置兼知建康府兼行宮留守啓  
稟違符來委隔星躔處隱就閑久樂渙樵之混迹  
誠延首莫遑竿擯之修緬懷麾席之晤承惟有美  
墻之想似茲者恭諭龍綸煥寵麟閣宣威壁府奎  
圖學士炳四時之象玉符金鑰元戎增十乘之雄  
虎落中嚴鯨波帖息聽下風而增氣知中國之有

恕

人恭惟某官學本中庸道存忠懇平生實地恥為  
流俗之具文景行高山雅愛前修之彛矩出則總  
熊羆之帥入而儀鷓鴣之班豹尾屬車方藉中朝  
之獻納龍旂四牡更資外闡之修攘留臺重居守  
之權藩岳奉布宣之詔韓侯受命而川澤之孔訐  
召虎來旬而江漢之式辟此蓋君子有必勝之效  
故知仁人全無敵之功幕府雲開邊城燧熄聞姐  
豆學軍旅聖人殆有為而言說禮樂崇詩書元帥  
信於是乎取某屬聆坦制倍激懦衷偶緣祠館之

叨亟土師垣之謝片帆障日甫踰笠澤之區萬斛  
乘颺聳聰郵籤之報亟延緣於叢葦徒悵望於前  
茅燕鴻若相避然鵬鷗異所適耳尚留湖墅阻賀  
懷門鼓角旌旗已喜三朝之洗印丹青霖雨第祈  
一氣之轉鈞

通賀鎮江趙徽猷啓

泥  
渥香丹詔雲麗朱方君子有徽猷式峻寶藏之直  
賢人當重寄肆增鐵甕之雄惠氣制劇先聲砥礪  
恭惟某官天潢疏派涪水鐘英傳厚高明燦星辰

而載華嶽聰明精銳淨冰雪而走雷霆外而坤維  
井絡之驅馳內而北寺地卿之佐理維時碩望已  
簡淵衷迨尋桂林梅嶺之遊適際蟻穴鯨波之擾  
羈旅之孤懸浮寄惟有望風武士之瞑目語難第  
能作氣公以詩書禮樂之勇見於慷慨感激之時  
入其阻挫其鋒所向披靡戢乃戈橐乃矢頓復升  
平識者愈於是而屬心邊將殆聞之而閉口南人  
不敢叛矣可謂膺公東山以公歸弢盍躋近侍瞻  
惟京口密拱宸畿萬旅雲屯綏御之方貴審一江

天險隄防之事尤嚴少需畫戟之踰臨蓋釋環旒  
之憂顧然中原在望一洗諸公富貴之差則大雅  
不羣自有忠定登庸之比某誤恩轉饒久願歸耕  
偶視邦選侯正有勤於宵旰而攝官承乏乃復假  
於疎迂蚊負山而已危馬守閭其焉用聳聞命綽  
喜躍心旌越尊俎代庖人之勞甚慙尸祝封府庫  
俟將軍之至已告吏民願趣前驅庶安愚分

賀寧國文知府啓

頃承玉季判縣遠紆虹氣游示鯉封延首邈誠方

帳音徽之間闕發函伸紙乃勤慰諭之綢繆擬返  
棹之有期將附楸而叙謝恭聆新渥起填名藩處  
三江二浙之間占壘嶂雙溪之勝足便坐笑式俟  
登庸載惟某官北斗時名西江道派沂公科第非  
為溫飽之圖潞國威名自是經綸之器雖揭日月  
而行時乎不免然安社稷為悅此亦何心惟蒼生  
不可無謝公故方伯又求如結輦鶴吟舊帳虎刺  
新符青林霜日白水秋風姑輟醉翁之詠輕扇涼  
颺珍篋夏室緩賡謝朓之吟想騎竹之紛迎已鞭

蒲之藹譽賢能出守固應潤九里以福京師君相  
此心或者先一州而後天下某昨叨祠館往謝維  
垣進獲覩於得輿退殆幾於折屐駕駘力腐斷無  
錦覆之恩燕雀情深屢贊屢成之賀有慙斐帥印  
句照函

賀池州李守改知江州啓

簡知漢陛易鎮江城風日似長沙政吟詩於殊浦  
雲峯對虛榭催作郡於廬山二境爭留一麾增重  
恭惟某官英、國器挺、蜀珍力量雄渾軋軋坤

而震河嶽精神峻潔淨冰雪而走雷霆門不識於  
苞苴噐甚宜於盤錯雍容佩玉勇辭犀節之榮談  
笑攜壺雅愛翠微之勝六葩飽桑麻之積四郊樂  
烽燧之沈紅旆行春自是池陽之難駐朱輪出郭  
已聞湓浦之紛迎豈伊屹保障之雄或者殆藩垣  
之選諒無暖席又覩歌綸人之稱丈夫謂植旌旄  
而羅弓矢公則有令德當銘彝鼎而被絃歌某夙  
託蘭襟更聯枌社杖藜鳴玉自憐尋壑之形容簪  
筆持囊尚想朝天之步武

賀趙吏侍兼侍讀啓

入長吏銓仍陪帝讀持衡聽履喜上逼於星辰坐  
幄橫經更親承於雨露絲綸一播紳紘交懽恭惟  
某官灑落而忱明直溫而弘毅德儀金玉維先朝  
魁傑之儲書法準繩得聖門謹嚴之體為天下昌  
言而寤主揭朝廷公道以示人橫榻凝嚴總事權  
於五院峩冠雄劇肅風憲於百僚顧輟象筮勇憑  
熊軾廉明如廣漢政誇發擿之神寬厚如粹中重  
領綜銓之寄紫囊論思之密勿翠帷講貫之精微

金鏡疇勳豈久淹於識鑒黃扉燮緯將大展於壯  
猷某共二無庸省三知愧甚擬返身於屠肆誤令  
導旨於樞定渙汗莫回政爾循墻而避泰茅斯拔  
可勝建茹之思

賀陳祕監兼侍立修汪官啓

雲擁木天星明柱史考圖書於芸閣世號該通冥  
筆札於玉階地分清切班迎曉日夜染祥烟恭惟  
某官高徹神姿淵源問學讀慶元抗疏未多六士  
之名擢天聖甲科重奏五雲之瑞修門快入要路

平躋彈劾不避於貴強議論盡依於仁義安世十  
九章之勁氣未究忠忱解于百數輩之福星又為  
選首肆頒駟詔入綜麟臺上帝羣玉之峯的非人  
境玉皇香案之吏盍在螭頭綠編素簡之校讎青  
瑣白雲之默檢聖明欽矚英俊具瞻蜀寺紀遊久  
憶異僧之木葉海壇留識新倚上相之沙堤某夙  
託蘭襟况依粉蔭屬此及瓜而需代聳聞連茹以  
彙征竊比駕駘自抱錦幪之愧第同燕雀永懷履  
賀之私

賀馮侍郎除右侍郎兼國史啓

妙東名儒晉司小宰銀臺批勃早聯豹尾之凝嚴  
金鏡銓材仍訂麟經之紀載絲綸誕布紳紱矚驩  
恭惟某官四海<sup>初</sup>心百年大手渾厚粹明之氣象  
遠邁乾淳英華釀郁之文章上規姚姒步武歷躋  
於清選姓名素簡於淵衷青瑣白雲親近御筵之  
曉蒼苔紅藥吟哦省直之春况綜事以訓工皆正  
身而奉法衡留鑑藻政需韋相之絕倫囊括詞林  
誰似蕭蒿之修史肆疇舊德式副親除然元祐諸

老之來所期平治今貞元朝士之在蓋遂登庸某  
給饒罔功得與助喜雲開閭闔阻瞻近侍之荷囊  
地隔江山負貢小夫之竿犢

賀浙西洪提刑啓代趙總幹

含薌出省杖節還鄉紫界宮墻尚憶文昌之新入  
繡衣霄漢密奉聖旨之殊恩此忱被錦而晝行豈  
但持斧而直指山川改觀枹鼓不鳴恭惟某官腹  
飽五車眼空四海搏扶搖而直上氣凌九萬里之  
遙經肯綮之未嘗材裕數千牛之解世謂臧孫之

有後天賚伊陟以乂設金節朱轡有赫鉤誦之譽  
望洪樞玉鉉幾殫毗佐之訂謨迄從微垣卽宿之  
班來溥京師福星之照埋輪折檻威聲素著於當  
時露冕褰帷仁化又歌於此日有衆傳過家山之  
衆無腰銀誇鄉里之矜豈帷畫太古之衣冠真可  
華使臣之禮樂德如是祥祉如是律踐前猷獄幾何  
錢穀幾何佇膺清問某世科有覲選窵空憐祗有  
時人見誚彥升之子絕無先友肯哀嵇氏之孤獨  
惟六載之逡巡每託二天之庇蔭一聆坦制倍激

懦衷瞻英蕩於太湖已喜環旒之近獻參苓於門  
下願終藥籠之儲

回鎮江蔣教授啓

出綽西清橫經北固臨雍解褐居然天子之門生  
樂泮觀旂榮甚諸侯之賓客縉紳歆羨矜佩激昂  
恭惟某官寶婺鍾英繡川疏潤百篇奧義嘉唐虞  
樂商周萬古高名出羲黃迺屈宋蓋嘗以蔣乂諸  
人而尚友不獨於高郢一見而主盟徐入脩門徑  
游辟海風清翠蹕儼鸞輅之親臨雲集芻袍赫龍

光之先被盍居風日不到之地乃領江山第一之  
邦豈學者方仰如泰山故天意將以為木鐸雩壇  
詠舞政當曾點之暮春宣室懷思倚召賈生於半  
夜某進非警古退不通今草福先之碑居慙祖武  
作同州之佐何有吏能幸親炙於勝流免浮湛於  
俗輦首蒙絨鯉寵報集鱣才名四十年匪久旣居  
之冷俸錢百八索尚希珠掾之憐摧謝臯稽編摩  
鹵瘠

佩韋齋文集卷第十四

初六日授於神武門內